

Wie der Philosophen Ofen gemacht soll werden/
darinnen vnser Stein gefocht wirdt.

Das Sechste Capitel.

Sohn du solt dir machen lassen / ein Faß oder Gefäß von
der aller besten Haffner Erden / welche das Fewr wol ver-
tragen möge / in welches du den Stein oder vnser Wasser
verschlossen stelle solt / vnd es soll so weit vnd geraum seyn / daß das
Glas darinnen stehende / auff allen Orthen zweyer oder dreyer
Finger breit raum hab / zwischen dem Glas vnder der weite des
Gefäß / vnnnd derselbige raum mit gesiebter Aschen gefült sey / des-
selbigen Form vnd Gestalt wirdt also seyn / auff dasselbig Gefäß
soll auch ein Deckel von Haffner Erden gemacht werden / auff daß
es dz Glas / darinnen vnser Materij ist / nicht an rühre / jedoch so soll
der also gemacht seyn / daß er oben ein Handgriff habe / damit man
denselben wans von nöthen seyn wirdt / vnd man die Materij be-
sehen wolte / abheben möge / vnd daß derselbig Deckel ganz wol ge-
fügt sey vber die Sand Capeln. Wann dann solches gemacht ist /
so soltu das Glas mit der Materij mit gutem Meisterleimb wol
beschlagen / vnd stelle es in die Aschen / dz vor angezeigt Gefäß / also
daß das Glas ein theil gefült / vnd drey theil leer stehet. Nach diesem
soll auch gemacht werden ein Ofen von guter Erden / v mit Pferd-
kot / vnd ein wenig Sand wolgeschlagen / vermengt sey / auff daß es
das Fewr erleiden möge / vnnnd nit fliesse / der Ofen soll rund seyn /
vnnnd einer Ellen hoch / vnnnd gar nahend zweyer Ellen weit / seine
Wend sollen 2. oder 3. Finger dick seyn / vnd sollen auch vnden na-
hend bey der Erden am Fundament des Ofens auff vier Orthen
Lufftlöcher gemacht werden / dann sonst wurde das Liecht in der
Ampel nit brennen. Nach diesem soll im Ofen von Eisen Blech ein
Creuz gemacht werden / mitten mit einem runden Loch / darinnen
ein Ampel kan gesetzt werden / vnd soll das Blech so breit seyn / daß
zwischen den Wenden des Ofens vnnnd dem Blech drey oder vier
Finger breit blas oder raum sey. Vnder diesem Blech aber in der
mitte des Ofens soll ein Boden gemacht werden / der da in der mit-
te ein